

الخميس ٥ مارس ١٩٥٩



العدد الثالث







مهاج

٥٥



والتي دُرِفَت





من روائع مصر


== مرحباً بالربيع ==

إليك صورة تفيض رقة وجمالاً لترزين بها حجرتك أو لتجمعها في اليوم



تمثيلية من فصل واحد ...

الساعة كام؟



تحيات التمثيلية

دونالد دك



بيلا

الغلام



مينى



التوائم



فوفو

ميمى



ميكى ماوس



هوفى



زيرى دك

يرفع الستار عن حجرة الجلوس في منزل «ميكى» - الحجرة بها كراسى وتراييزات عادية ، وأهم شيء فيها ساعة كبيرة والحجرة ليس بها أحد ، ولكن ، يسمع صوت ميكى من الخارج

ميكى : يا لله بسرعة يا «مينى»!

الساعة دلوقتى تيجى ستة ! لما أروح أبص فى الساعة كده ! (يدخل «ميكى» الحجرة مسرعا ، وينظر الى الساعة فيجدها خمسة وربع فقط ، ثم ينظر الى الباب ، بطرف عينه بينما ينزل الساعة ويقدم العقرب حتى يشير الى الساعة السادسة) هاها ! بس ! علشان ما تتأخرش على السينما

مينى أ : (تدخل الحجرة وتتنظر

الى الساعة) : ياه ! لك حق يا «ميكى» ! لازم أخلص بسرعة (تخرج)

ميكى : (يدعك يديه بسرور)

أيوه كده كويس ! (يخرج ضاحكا ، ويدخل التوأمين)

التوأمين : (فى نفس الوقت) :

ياه ! بص الساعة كام !

فوفو : ده ميعاد نومنا

ميمى : عندى فكرة ! (يشب

نحو الساعة)

فوفو : (يذهب نحو الباب

للحراسة) بسرعة يا «ميمى»

ميمى : حاضر يا «فوفو»

(يرجع الساعة الى الوراء)

ارجعها نص ساعة ! ها ! ها ! لا ،

خليها ساعة الا ربع ، (يترك الساعة ، ثم يخرج هو و«فوفو» من الحجرة - ويسمع صوت اصطدام عند خروجهما) .

دونالد : (من الخارج) كاك !

كاك ! مش تبصوا اقدامكم يا اولاد !

دأىما كده تخبطوا الناس !

التوأمين : هاها ! مش تبص

أنت كمان يا عم «دونالد» (يدخل

«دونالد» وهو يتزنج ، ثم يقع

عند المدخل)

دونالد : طيب ! أنا ح اعرف

ازاى أذنب الاشقياء دول (يقدم

الساعة) ح أقدمها ساعة بحالها

وبالشكل ده ح يدخلوا يناموا
بدرى وانا استريح منهم
شوية (الآن لا يعرف أحد من
المتفرجين كم الساعة
في السواق) كاك ! كاك !
(دونالد يخرج مبتسما ، ويقع
أمام الباب ، فيصطدم «بميكى»
وهو داخل وأخيرا يترك الحجرة)
ميكى : « دونالد » ده دائما



لحمة كده . (يذهب نحو
الساعة وينزلها) احم . افكر
أحسن لو أرجع الساعة تانى
زى ماكانت . مسكينة يا «مينى» !
(يضحك) قاعدة بتجرى
وتلبس بسرعة زى المجانين !
(يرجع العقرب الـ ٤٥ دقيقة
التي كان قد قدمها من قبل ، ثم
يضع الساعة مكانها - وفي هذه
اللحظة يدخل التوأمان)

التوأمان : (فى صوت واحد)
ازيك يا عم « ميكى » !

ميكى : (ينظر اليهما متشككا)
بتضحكوا على ايه ! لازم عملتم
حاجة !

التوأمان : (سويا) أبدا يا عم

« ميكى » ! (فى هذه اللحظة
تدخل « بيلا » الى الحجرة ،
وأعصابها متوترة)

بيلا : انتم هنا يا أولاد ؟

(تنظر الى «ميكى» دول فى غاية
الشقاوة .. مش عارفة تعمل
لهم ايه ! خداهم بره شوية
يا « ميكى » ، على ما استريح

ميكى : تعالوا يا أولاد . ح اقرا
لكم حكاية . (ويخرج «ميكى»
مهسكا بأيدي «فوفو» و «ميمى»)

بيلا : (تذهب نحو الساعة

وتنزلها) ما فيش الا طريقة
واحدة علشان يناموا (تقدم
العقارب حوالى ساعة - والآن
لا يعرف أحد الساعة كام)
كده على ما « ميكى » يخلص
الحكاية . أدخلهم السرير . (تترك
الحجرة . وبعد ثانية واحدة
تدخل « ميني » متأنقة جدا)
ميكى : (تنظر الى الساعة

حين تدخل الحجرة) الساعة كام
دلو قتي ؟ ياه ! مش ممكن نكون
أتأخرنا كده - مش ممكن -
ح يفوتنا الفيلم بعدين . يا «ميكى»
(تذهب نحو الباب وتنادى)


الخادم : (يدخل الحجرة)
قهوة ؟


مينى : (بنرفزة) « قهوة

ايه ؟ فين « ميكى » ؟ مش
شايف الساعة كام ! ح نتأخر »

دونالد : (يدخل) كاك ! كاك !

يا سلام ! ماتزعلش يا «مينى»
الوقت مش متأخر زى ما انت
فاكرة - هاهاها ! كاك ! أنا قدمت
الساعة ، علشان « فوفو »
و « ميمى » يناموا بدرى





جوفى : (يدخل حاملا علبة نجارة ، خارجا منها شاكوش ومفك ومنشار) آيه الظيطة دى كلها ؟ أنا افكرت فيه حرامى فى البيت ! الله ، انت مش رايح السينما يا « ميكى » ؟
ميكى : أيوه - أ - لا ! مش

عارف (ينظر الى الساعة، وهو يهرش فى رأسه) بس لو أعرف الساعة كام دلوقتى كنت أقول لك .. انت تعرف يا جوفى ؟
جوفى : أعرف آيه ؟

دونالد : (وهو يرقص)
الساعة ! الساعة كام ؟
جوفى : (يتجه نحو الساعة)

مش عارف - مش عارف أبدا .
هاهاها ! (ينظر اليهم) الساعة واقفة

الجميع : (يلتفون حول الساعة)
آيه ؟ بتقول آيه ؟

جوفى : أيوه ! الله ! أنا كنت

فإكرت عارف يا « ميكى » - وقفت امبارح على خمسة وربع - وأنا جيت علشان أصلحها

(يترك الساعة ويرفع الشاكوش ! وحين ينزل الستار يسمع صوت الشاكوش)


الجميع : (فى نفس واحد) -
انتم أخرتو الساعة ؟ (تدخل « زيزى » فى عجلة)
زيزى : « قولوا لى الدوشة دى على آيه ؟ (يبدأ الجميع يتكلمون فى نفس واحد - ولا تسمع الا شوشرة)
ميكى (يشد شعره) بس !
اسكتوا كلكم ، أنا قربت اتجنن ،
(ينظر نحو الباب) أهو « جوفى » جاى !

(يذهب نحو الساعة فى الوقت الذى تدخل فيه « بيللا »)
بيللا : سيب الساعة يا « دونالد »! عايزة « فوفو » و « ميمى » يفكروا ان الوقت متأخر أكثر من الواقع ، وعلشان كده قدمتها !

ميكى ودونالد : (فى نفس واحد) قدمتها !
دونالد : كاك ! وأنا كمان !
(« ميكى » يدخل الحجرة غاضبا)
ميكى : « آيه الحكاية ؟ هاها ! »

(ينظر الى الساعة)
« ما تتخشىش يا « ميمى » ! اعترف لك بان أنا قدمت الساعة علشان تستعجلى فى اللبس ، لكن رجعتها تانى . (ينظر الى التوأمن اللذين دخلا الحجرة فى تلك اللحظة) لكن ده ميعاد نومكم !

فوفو : (يضحك بشدة)
هاهاها ! ميعاد نومنا فعلا يلعب « ميكى » ، احنا أخرنا الساعة ساعة الاربع ! (الجميع ينظرون للتوأمن)



الكلاب

أنا عارف ! لكن كل ما أحكيها ، كل ما تعجبني أكثر !

سيبه يحكيها يا لآكي ! أنا كمان عندي حكاية قديمة عايزة أقولها لكم تاني !


وأنا كمان !

لكن انت حكيت لنا الحكاية دي كثير قبل كده يا بابا !




مش عايزة أقعد أسمع ! عايزة أشوف وأعمل حاجات جديدة !

خطر !




أنا تعبت من حكايات الكبار ! كلام في كلام ولا فيش فعل !!



أيوه يا لآكي ! أنا أحب المغامرات ! ودلوقتي رايح أكل أكلة مدهشة !

لازم اتفتّح عليك !



آدي ركس رجل أعمال ! مش بتاع حكايات ! باين عليه رايح حصة معينة دلوقتي !





كفاية خناقة! عايز
ألعب شوية!



أسيبه يكمل المعركة مع القماش الأحمر!
ولاح ياخذ باله إني مشيت!





أناح افاجئهم تمام! هوب!



أها! دي فرصة ذهبية! الققط
دي اترحلقت لآخر
المرجيحة!





يظهر إن المفاجأة ح تبقى لي أنا، لوما
بعدتش بسرعة!




المغامرات زادت
عن حدها!





أما حكاية ! الكلب لسه بيتخاف مع القماش الأحمر ! لو بهدى شوية ، يكتشف إنى مش ...

هاو !
واو !



الله ! معركة كلاب عنيفة !


هاو !
هاو !
واو !



جربى إيه يا لأك ؟

كنت ابتديت أتخاف معاه و

ياه ! واحد صغير زيك يعمل فيه كده ؟



جواها !

هاو !



المقطط دى شكلها تعبان ! انت

أنا عاكستهم هم كان !



براقو !

أنا شفته لما قطع شبكة الجارس وهرب منهم !



الله ! كنت فاكرا إن لأك ما بيعيش الحكايات !

أصل ما كانش لسه عنده حكاية يحكيها !




وهكذا وبعدين وقفت بكل انتباه ... كل مشاعري متيقظة !


أيوه - وبعدين وبعدين !

هائل ! انت !

أيوه والا لا؟



١ - هل تميل الساعة للسرعة
ليلا أكثر منها نهارا ؟



٢ - هل الاستعمال الرئيسى
للملح هو استخدامه في الطعام ؟



٣ هل من الممكن لبعض النباتات أن تنمو في الثلج ؟



٤ - هل الصين أول من صنعت الحبر الصيني (الصيني) ؟



٥ - هل البومة أذكى الطيور ؟



٦ هل يستطيع الانسان ان يستغنى عن الطعام
زمنًا أطول من زمن استغنيته عن النوم ؟

السحباب
٦ - نعم : الصين هي أول بلد
صنعت الحبر الصيني ، وذلك
في سنة ١٢٠٠ قبل الميلاد
٧ - نعم : لقد استطاع الانسان
أن يعيش ستة أسابيع دون
طعام ، ولم يستطع أن يعيش
أكثر من خمسة أيام دون نوم

سويسرا ، تسمى «السولدانيل»
تشق لنفسها ، في وسط الثلج
المتجمد ، مخرجاً الى حرارة
الشمس وضوئها
٤ - لا - هناك طيور كثيرة
أذكى من البومة .
٥ - نعم : تصنع بعض فرش
الشعر من فراء ذيل بعض أنواع

١ - نعم :
فان انخفاض
الحرارة ليلاً ، يجعل بعض
الساعات تسرع أثناء الليل
٢ - لا : فان الاستعمال
الرئيسى للملح هو استخدامه في
تركيب الاحماض
٣ - نعم : هناك زهرة في

الاجوية

ميكي

اللعبة في عصر الصواريخ



المتخصص الامريكى الشهير ،
فى عالم الصواريخ والاقمار
« ورنر فون براون » يرسم
حاليا فى الولايات المتحدة ، لعبة
صاروخ القمر ، ومعه محطة
الفضاء

لقرأ البانيو



نشرت ، أخيرا ، مطبعة
امريكية مجموعة قصص بوليسية
تقرأ فى «البانيو» أغلفة هذه
الكتب « وتربروف » - أى
تقوم فوق سطح الماء

باب البخار مخلف

أوقف أحد العساكر فى « كندا »
مواطنا يسير بعربته ، و« أخذه
مخالفة » : لأن عربته من غير
قرامل ، ومن غير نور ، وكلها
« ماشية بالزور » ، ورغم ده
كله ، كان المواطن يسوق عربته
وسط الطريق .

على فكرة ، المواطن ده
ميكانيكى !



٢١ مارس

عيد الأم



فى منتصف مارس ، حينما يقترب عيد الأم ، تزدحم
الشوارع بأطفال صغار يبحثون عن أجمل هدية يقدمونها
لأمهاتهم ...

والآن ، يقرن عيد الأم فى أذهاننا بهدية نشتريها لها ...
فأصبحت الهدية ، هى كل ما تذكره فى عيد الأم ، مع ان
الهدية ليست الا رمزا ...

والمقصود بعيد الأم ، هو أن نقف لتأمل معنى الأمومة ..
لنقدر أمنا ونمجدها ، وأنا لا أقصد تقدير تعبها فى تربيتك
والسهر عليك ، أو كفاحها من أجل الانفاق عليك ... فان
هذه هى رسالتها ... انها رسالة وواجب ستردهما أنت
لأولادك ... ولكن المهم هو تقدير الشعور الذى تؤدى به
الأم هذه الرسالة . فمجهودها المادى لا يساوى شيئا بالنسبة
لحبها الشامل لك .. لحنانها الذى تحيطك به .. لشغفها بك ،
وقلقها على صحتك ، وحرصها على سعادتك ...

انك مهما بحثت ومهما كان لك اصدقاء أوفياء ، فلن تجد
أبدا طوال حياتك شخصا يحبك بالعمق وبالدوام الذى
تحبك به أمك .. تحبك بلا مقابل ، فى كل وقت ، وفى أى
وقت ، أيا كنت أو أصبحت وأينما كنت ...

ان حب الأم لابنها أجمل ما فى الحياة ، بل انه سر بقاء
الحياة واستمرارها ...

٢١ مارس ... عيد الأم ، وعيد الربيع ... وكلاهما رمز
للحب ...

عفت

بجاذبية الرحمة ...



تستعمل الشركات الامريكية الكبرى للمأكولات المحفوظة ، اعلانات ذات رائحة - فالاعلان عن جودة مربى الفراولة ... تصدر منه رائحة الفراولة - والذي يدعوك لاكل المستاردة ... رائحته مستاردة - وهكذا - حاجة تفتح النفس !

في المطاعم الانجليزية



للانجليز الحق في أن يأخذوا معهم ، الى المطاعم « لحم نية » ويجهزوها بأنفسهم - وقد متحت لهم هذه الحرية بقاتون صابر سنة ١٤٧٣ ولا يزال جاريا حتى الآن !

خوار السن



في « فوكوياما » باليابان ، نال « هيكي ماتسو » (وعمره سبعون عاما) شهادة الليسانس بتفوق - وبعد اعلان النتيجة ، سأل أحد الاشخاص عن السبب الذي جعله يبدأ المذاكرة في هذه السن المتأخرة فقال انه لم يقدر - وهو صغير - أهمية العلم ، « واستخسر » أن يبذل مجهوده فيها ، ولكنه غير رأيه ، حينما رأى اولاد اولاده ينجحون في امتحاناتهم بامتياز !



مركز العالم

الأب نسي والضرائب فأكرة

نسي مواطن انجليزى أن يقيد ابنه في دفتر المواليد . ولذلك يعتبر « دافيد ميز » كأنه ماكان ، وبسبب عدم وجود شهادة ميلاد له لم يستطع أن يستخرج بطاقة شخصية : بالاختصار معظم السلطات لا تعترف بوجوده ، الا هيئة حكومية واحدة بس : مصلحة الضرائب ، فهي مصرة على وجوده ، وبالتالي هي مصرة على أن يدفع لها ضرائب !



أبناء رياضية

يقام سنويا في « سوسكس » (بانجلترا) سباق ٠٠٠ لليلي ، يشترك فيه اللاعبون المختصون الذين هم فوق « ال ١٦ سنة » وقد فاز هذا العام بطل عمره ٨٦ سنة اسمه « مينار » ، تراه في هذه الصورة وهو يدرس مشكلة « صعبة » !



الخازنة المقدسة



حدث أن « جاكسون » وهو لص خطير بالولايات المتحدة ، دخل كنيسة وفتشها من أولها الى آخرها ، وأخيرا أخذ معه خازنة قيمة مغلقة بالمفتاح وتمنيت أن أرى وجه السارق حين فتح الخازنة : كان بها ثلاثمائة موعظة

إجازة للحيوانات




طلب مدير حديقة الحيوانات بولاية « تكساس » ، وهي إحدى الولايات المتحدة ، من المسؤولين أن تعطى إجازة للحيوانات مرة في الاسبوع

وقال : « أريد أن تقدروا أن هذه الحيوانات تهين نفسها للانظار من أول السنة لآخرها . وعليها - مثل نجوم السينما - أن تكون ظريفة مع الزائرين من ١ يناير الى ٣١ ديسمبر : اذن من حقها - مثل الموظفين - أن تأخذ راحة يوما في الاسبوع ، أرجوكم ، فان حيواناتي على وشك انهيار عصبي »

قوة ذاكرة

١ - تأمل هذه الرسوم لحظات ! ثم غطها ، وحاول أن تتذكر كل الأشياء الموجودة بالرسوم ، وستجد انها أصعب مما كنت تظن في البداية




$$1 + 1 = 2$$

لكيلا يتهمه رئيسه بعدم الدقة ، قرر صحفي أن يكتب الحقيقة في مقالاته ، الحقيقة فقط ولا شيء سوى الحقيقة ! وفي ذات مرة قدم لرئيس التحرير مقالة عن أحد المؤتمرات وبعد أن قرأ رئيس التحرير المقالة سأله : « كان كام واحد في المؤتمر ؟ » فقال الصحفي : « مئة وخمسين شخص » الرئيس « أمال ليه بتقول : وكانت ٢٩٩ عيناً تنظر للمحاضر باعجاب ... ؟ » الصحفي - « كان فيهم واحد أعور يا فندم ! » ...

لوحة جميلة

لون بأقلامك الملونة كل فاصل يحمل رقماً ، باللون المشار اليه :

- ١ - أزرق فاتح
- ٢ - برتقالي
- ٣ - أخضر غامق
- ٤ - بنفسجي
- ٥ - بني
- ٦ - أصفر
- بنفسجي فاتح
- ٨ - أبيض



يرون تعالين

نارية نشاء

نارية نشاء

تصدر عن دار الهلال . ش ٢٠٢٠

١٦ شارع محمد عز العرب ت ٢٠٦١٠

ميكي

إذا أردت اشتراكاً سنوياً (١٢ عدداً) في مجلة « ميكي » فابعث إلينا باسمك الكامل وعنوانك ، ثم ضع هذه البيانات في ظرف مسجل ، مرفقاً بها حوالة بريدية من البوستة مقدارها : في إقليم مصر والسودان ٤٠ قرشاً صاغاً - في إقليم سوريا ٥٠٠ قرشاً سورياً - لبنان ٥٠٠ قرشاً لبنانياً - في السعودية والعراق واليمن ولأردن ٥٠ قرشاً صاغاً - في الأمريكتين دولاران و ٥٠ سنتاً - في باقي أنحاء العالم ٧٠ قرشاً صاغاً . حقوق الطبع محفوظة مؤسسة والت ديونى

تيكي ماكي

في قراصنة مرسى محطور

تشجيعاً لانتعاش الحياة في مدينة "مرسى محطور" المهجورة،
نظم "ميكي" مهرجان قراصنة يتضمن تمثيلية غزوة
عصابة قراصنة. ولكن "دنجل" الخطير استغل تمثيلية
الغزوة ليقوم هو وعصابته بغزو حقيقي على أهل الجزيرة
بينما كان "ميكي" وجوفي" ينظران مكتفين من أعلى السفينة

أهم الحرامية رايعين يسرقوا البلد، ولا أحد
ح يعرف إلا بعد ساعات! ياريتنا نقدر
نعمل حاجة!



أول حاجة تسرقوا البنك، وبعدين خزنة اللوكاندة،
واحنا راجعين، ناخذ حاجات من السُّوَّاح!

حاضر
يا دنجل!



وفي ذلك الحين..

وكل الناس ح تفكر إن "جوفي"
وأنا مسئولين عن كل شيء!
أما أفكارى الجهنمية دي
متعبة بشكل!



حاضر يا قرصان! انت
بتمثل كويس قوي! هاها!

إوعى! أنا
مش قاضي!



يالله! ابعدوا من طريقنا!






ميكى يشاهد
من أعلى
السفينة
فكرته
تتحقق أكثر
من اللزوم



وفي ذلك الحين..

كل حاجة ماشية بنظام ؛ الغيام
ح يساعدنا في الهروب ، وما حدش
ح يشك فينا ؛ ح يشكوا في "ميكى"
وتجوفى ؛

كانت فكرة
مدهشة
يا كابتن ؛



نرسى هنا لغاية ما الغيام
يروح ونلاقى مركبنا ؛

روح نعمل إيه
في المركب دى ؟



نخرقها طبعاً ؛

والأتنين اللي
مكتفينهم فوق ؟




أيوه ؛ ولا عمرنا شفناهم ؛

ولا أكتنا شفناهم ؛



وفي أعلى السفينة

يارب ينزلونا تحت
الدينا بر.... د
قو.... دى في
الغيام ده ؛




مش بس كده ؛ أنا كان
تعبت من الوقفة
دى ؛ عايز أتحرّك
شوية ؛






أى ؛
إيه ده ؛





آه ؛ مسمار
في الأرض ؛













الفائزين

مسابقة

ما رأيك في نفسك؟



أشكر جميع الاصدقاء الاعزاء ، الذين كتبوا لي عن أنفسهم ، وكلها نفوس جميلة ، بما تحتويه من ميزات وعيوب ؟ فتحن كئنا بشر ، وكل ما علينا هو أن نعرف عيوبنا ، لتتغلب عليها - وكنت أود أن أمنح كل الراسلين جوائز ، ولكن من لم يفز في هذه المسابقة فاني أمنح له حبي وصداقتي

الفائز الاول

عزيزي ميكي

انني اكتب عن نفسي وانا لا اعرف اي نفس اكتب عنها ، هل نفسي هي جسمي الذي مصيره الى الفناء ؟ أم انها هي روحي وعقلي وكياني ؟ اعتقد انه ليس هناك فرق كبير بينهما ، اذ كل منهما تكمل الاخرى . ولدت منذ ثلاث عشرة سنة واستمر في الحياة مدة ثم أموت ولكن لماذا ولدت ؟ وما الغرض من وجودي في الحياة ؟ أن الحياة في رأي شيء تافه لا يستحق كل ما نعانيه من شقاء ، وما تبدله من مجهود لكي أنجح وانتقل من فصل الى فصل . لقد وصلت الآن الى السنة الرابعة الاعدادية ، وانا دائما من المتقدمين بالرغم مما أعانيه في المنزل من مشاكل . فوالدتي تعتنى بآخر العقود بالرغم من تجاوزه العاشرة من عمره ، وكذلك تخاف على ابنتها البكر ، أما أنا ، الاوسط ، فمظلوم في الوسط . يجب أن أحترم الكبير لانه أكبر مني ، والحق دائما الى جانبه . . . ويجب أن أعطف على الصغير وأخذه على قدر عقله . وهو أيضا صاحب الحق دائما . والوالدي يعتبر رجلا متزمتا رجعا لا يقبل المناقشة وهو منصرف عنا طول اليوم الى أعماله . لذلك اجتنبهم جميعا ، ورحت أقضي كل وقتي في المطالعة ، فانا اقرأ الكثير بالرغم من قلة مصروفي الخاص ، وبالرغم من سخريتهم مني بسبب كثرة القراءة وهم دائما يقولون « رزق الهبل على المجانين » أي ان الكتاب والادباء لا يرزقون الا من المجانين أمثالي ولكني ادخر كل مليم لشراء كتاب جديد فأطلقوا على اسم « البخل » وقد أدت كثرة قراءتي الى صقل معرفتي ،

وبذلك في تأليف بعض القصص الصغيرة ، واعترف بأنها ما زالت ضعيفة ولكنها تتحسن مع الايام ، وسأحصل هذا العام على الشهادة الاعدادية ، وأريد أن أتجه الى التعليم الفني ولكن والدتي تقول « يا عيب الشوم » تروح التجارة والا الصنایع ؟! ليه أنت أقل من ابن فلانة اللي مايسواش نكله ؟ وهكذا لا يتركون لي حق اختيار مستقبلي ، ألسنت شابا ؟ أو حتى طفلا كبيرا له رأي ؟ انهم يسمونني في المنزل « حنة مفعوص » اني أعيش وحيدا ، ليس لي صديق غير الكتاب ، وقد لجأت الى هوايات اخرى لافرج بها عن الكبت الذي في نفسي ، فأتجهت الى الموسيقى ، وادخرت حتى اشترت غودا والتحقت بفريق المدرسة الموسيقي ، ثم اتجهت الى الطبيعة أطمأنا وأشكولها حالي ، وكانت تتحملني بمدر رحب ولا تحمل الاستماع الى ومواساتي . وقد قضيت الايام الطويلة متوسدا صدرها الرحب الحنون مما جعلني أتجه الى التصوير ثم لعبت التلنس ، وكلفني ذلك المال الكثير ، ولكني مصمم على المضي في طريقها لان في ذلك قضاء وقتي بعد المذاكرة ، اذ ليس لي اخوات بنات حنون ولم أجد الصديق الوفي الذي ابته لواعج نفسي ، فانهم جميعا من نوع واحد ، يسمعونني ثم يحكي عني ، اذا حدث شيء بيننا ، ويجعل ما قلته اداة للضحك ، ولا تقولوا اني معقد نفسي ، لان هذه هي الحياة ، وأمل ان يكون مستقبلي خيرا من حاضري . . . وسأعد نفسي أسعد من في الوجود ، اذا عرفت لماذا وجدت في الحياة ، واعتقد انني لن أعرف لان هذه هي سنة الحياة

على التسوقي
(١٣ سنة)

الجوائز

وصلت الينا آلاف الردود في مسابقة « ميكي » ما رأيك في نفسك ؟ فقامت اسرة « سمير وميكي » بفرض الردود الصحيحة ففاز كل من الإصدقاء .

- | | | |
|-------------------------------------|---|----------------------------------|
| ١٧ - فرنسيس زكي بطرس - | ٦ - فهمي فنصة - حلب - ٧ - | الجائزة الاولى « قلم حبر ذهبي » |
| الاسكندرية - ١٨ - الفريد جميل - | سهام أمين أحمد هارون - سوهاج - | ١ - على عبد الحميد التسوقي - |
| شبين - ١٩ - حسين لطفي حربي - | ٨ - محمد عطية عوض السيد - | بورسعيد |
| الاسكندرية - ٢٠ - أمين بدر - | الاسكندرية - ٩ - سمير فهمي قرمان - | الجائزة الثانية « قطار » |
| السويس - ٢١ - أحمد شوقي محمد - | باب الحديد - ١٠ - مجدى حلمي - | ٢ - عايدة حسن الجوادى - |
| أحمد - الاسماعيلية - ٢٢ - نجدى - | ويضا - بهجورة - ١١ - منى محمد - | الجائزة الثالثة « حقيبة مدرسية » |
| محمد خطاب - مصر الجديدة - ٢٣ - | مجلب - الكلية الامريكية للبنات - | ٣ - محمود مصطفى حافظ - |
| سمير محمد العباسي - منشية البكري - | ١٢ - ريم عبد الحميد - الاسكندرية - | مصر الجديدة |
| ٢٤ - ماجدة حسن - كوبرى القبة - | ١٣ - محمد السيد فتحى - نجع حمادى - | الجائزة الرابعة « علة نجارة » |
| ٢٥ - كامل محمد محمد - قنا - ٢٦ - | ١٤ - اسماعيل محمد كرسون - | ٤ - عبد الكريم يعقوب - |
| هناء عبد العزيز جاد - السيدة زينب - | شبراخيت - ١٥ - راشد عبد الرسول - | الاسماعيلية |
| ٢٧ - سمير قامين - الاسكندرية - ٢٨ - | أسيوط - | الجائزة الخامسة « ميكي نشان » |
| محمد السيد حسنين - العباسية - | وفاز بالجوائز من ١٦ - ٢٠ « قصة الثورة بالرسوم » | ٥ - يسرى محمد توفيق - |
| ٢٩ - منى سامى - الظاهر - ٣٠ - | ١٦ - صفوح عزة الرجال - دمشق - | وفاز بالجوائز من ٦ - ١٥ « لعبة » |
| هنرى بندرى - حدائق القبة - | | بورسعيد |

دونالد

في مارس من كل عام ،
تقام في الصحراء الغربية
المسابقة السنوية الكبرى
للحمار الوحشي

الجائزة الأولى السنة دي : منجم
يوريانيوم ، ولانزم اكسيه !

منجم "يوريانيوم" ؟ ده أحسن
من الذهب ! يبقى لانزم كل
واحد في البلد ح يشترك
في المسابقة ؟



التمرين مش مهم ! أنا عارف أحدث
الطرق العلمية لصيدهم ! وقريت
عن الصحراء وعن كل حاجة !

ما تظفوش ! أنا قريت كتب كثيرة
عن الخيرة في صيد الحمار الوحشي
لكن وانت بتقرأ ... كانت
الناس بتتمرّن على
صيدهم ؟





كان ياما كان ... زمانك نسييت !
تكن لسه فاكر إزاي
بقي لك خمسين ستة ما بتعملش
أصطاد الحمار الوحشي !
حاجة ، غير إنك تعدّ فلوسك !



الله ! ... عم "ذهب" ! بتعمل
إيه هنا ؟
بإستعد علشان أكسب منجم
اليوريانيوم ! أنا كنت بإصطاد
زمان !!













الله! ده خف أكثر كمان!



الكلبيس مش مخروم!
حد بيعاكسني!



مش عارف انت مين، لكن أعرف
انك مستخفي جوه الصبار!



وأنا ح أعرف اطلعك!



بوم!



مما!





أنا ح اوريكم! فاكريتي
حمامر والاياه؟



إيه اللي جابني هنا بين
الصخور؟







وبدأت الريح
تنشر الرائحة
في الصحراء -

أخيراً... قررت انك
تسمع كلامي يا جيل!

أيوه كده! اجري على الدائيرة!
علشان ألحق أكسب!




وهكذا!

كسبت

كسبت!

تنتهي مسابقة الحمار الوحشي بعقدة!
ذهب ذلك جديب الحمير للدائيرة، في
نفس الوقت التي "دونالد" دخل الدائيرة
راكب على حمار!



إحنا مش فاهمين
حاجة!

على فكرة، جري إيه
"محظوظ"؟

مش كان راح يصطاد حمار
وحشي هو كمان!



أيوه! لكن اكتشف لنفسه عشر مناجم
"يوراينوم" هنا! فما كانش فيه داعي
يشترك في المسابقة دي!

ما فيش واحد في الدنيا
محظوظ
زيه!



هل عندك خبر؟

- نتيجة هل عندك صبر ؟

٠٠
 ١٠
 ٢٠
 ٣٠
 ٤٠
 ٥٠
 ٦٠
 ٧٠
 ٨٠
 ٩٠
 ١٠٠

هو موعدك مع

التحفة الجديدة من مجلتيك المحبوبة

پاک




روايات جديدة - قصص
عالمية - رسوم رائعة
المنع مع مليا

بابتي

متأسف يا بلوتو! لكن ممنوع
دخول الكلاب في السيرك ،
لازم تستنى هنا
في البيت !

سعيدة !

السيرك ده
ألف حاجة
يا عم ميكي !



هاو!

ولاحاجة! وبجدين
أرجع على طول ،
وميكي مش ح يلاحظ
أى شىء بالمرّة !



فيه إيه لو ابص بصرّة واحدة بس ؟ !

بالاش أدخل من هنا! أروح
من مدخل تاني



هوب! هم دخلوا من هنا!





هوب! ده الكرسي فيه زميلك! أما دي حكاية ...

ياساتر!

آي!

أما
جريء!

براقول

طلعوك فوق السلم غصيب عنك يا بلوتو! لكن
ما حدش يقدر يخليك تنط غصيب عني!

بص يا عم ميكي! بيشيلاوا الترابيزة اللي ح ينزل
عليها الأسد!

لا!
أبدا!

أيوه كده يا بلوتو! أحسن
حاجة ترجع البيت
وتخلص من لبس
الأسد ده!

أما أسد
هايل!

الخروج

ها!
ها!

بسر قليل ...
إزيك يا بلوتو! خسارة إنك ما كنتش معنا!

شفنا أظرف أسد في العالم!

تعرف إننا نقدر نمثل
نمرة السيرك دي؟!
أيوه! نلبس بلوتو لبس
أسد و

هاو!

يظهر الفكرة مش عاجبة بلوتو!
مش فاهم
ليه؟!!

ككن إنت عندك أسباب يا بلوتو ... أسباب وجيهة!



هذا العمل لعشاق أدب القصة المصورة من العرب
و يهدف في الأساس لتوفير المتعة الأدبية لهم
و ليس الهدف الأساسي منه الترويج على الإطلاق.
نرجوا حذف هذا العدد بعد قراءته و شراء النسخة
الأصلية المرخصة فور نزولها الأسواق العربية
لدعم استمراريتها.

This is a fan base production, not for sale or Ebay
Please delete this file after reading it, and buy
the original licensed release as it hits the arabic
markets to support its continuity

www.ComicsGate.com